

SIMONIS PISTORII  
OPPOLIENSIS SILESII,  
Epigrammatum

OCTERNIO DECIMUS,

*Nobili, pietate, eruditione & eloquentia laude  
excellenti Viro,*

DN. IOHANNI STOINIO  
*oblatus.*

Ad Lectorem.

*Carmine, Lector amans, si quis captare lucellum  
Me putet, aut Vatum querere sortè decus,  
Fallitur. in studiis sic me retinere laboro,  
Et prodesse aliis me voluisse probò.*



CLARISSIMO VIRO,  
D. JOHANNI STOINIO,  
*nunc apud Luclavienses Concionatori disertiss. Dn. &  
fratri in Christo Iesu carissimo. S. P. D.*

CVM nuper in Bibliotheca mea, opusculum  
Quoddam Theologicum, Vir præstantiss. Dn.  
Stoini, quære rem: incidi fortè in fasciculum  
chartarum quarundam mearum, quarum jam præ-  
nè oblitus eram; in quo continentur Epigrammata  
in ea nonnulla, ad Amicos, variis de rebus, tum hîc  
in Polonia, tum in Patria, plurimis ab hinc annis  
conscripta. Postquam autem ea perlegissem, cogi-  
tassetmque, quidnam iis faciendum esset; an vide-  
licet blattis ac tineis relinquenda, an verò con-  
scindenda, vel Vulcano consecranda, an potiùs in  
lucem edenda; vicit tandem sententia ea edendi,  
& cum Amicis communicandi. Tibi autem illa de-  
dicare placuit, viro erudito, mei autem inprimis  
amantissimo; idq; præcipuè ob carmen illud lugu-  
bre, quod aliquando, non sine magno, ut par erat,  
dolore ac mærore cecini, in funere Dn. Petri Sta-  
torii, Patris tui cariss. Viri & Theologi summi, ac  
oratoris excellentissimi, fratrisque & amici mei  
longè desideratiss. quod ipsum tibi non injucun-  
dum fore sperabam. Cognovi enim, tibi illud gra-  
tum illo tempore accidisse. Confido cetera quo-  
que, quæ hoc Ofternione comprehenduntur, non  
ingrata tibi futura. Vale, meque tui amantem re-  
dama, aut saltem dilige.

S. P.



SIMONIS PISTORII OPPOLIENSIS  
SILESII,

EPIGRAMMATVM Octernio decimus.

Ad Dn. Iohannem Stoinium.

**I**ANE, decus Phæbi, Rhetor divine, STOINI,  
In cuius labris lactea suada sedet.  
Haut ita sꝑavis erat cantando Thracius Orpheus,  
Cum traheret fidibus saxa ferasque suis:  
Vt tu melleus es, quàm dogmata sancta tonando,  
Cogis in obsequium pectora dura Dei.  
Nec sic facundus Danaos mulcebat Vlyses,  
Dum causam in medio diceret ille foro:  
Vt tu demulces animos, & corda refingis,  
Quando tibi fandi copia cunque datur.  
Princeps sermonis Romani Tullius olim  
Eripuit tristi funere sæpe reos.  
Sarmaticæ eloquii tu largo flumine lingvæ,  
Eripis e Stygio corpora multa lacu.  
Iane, decus Phæbi, Rhetor divine, Stoini,  
In cuius labris lactea suada sedet.  
Secula viventem tria felix Nestora vince,  
Nosque fore eloquii nectare & ambrosiâ.

Ad Iohan: Gygium, Pastorem VVylocensem  
Amicum meum singularem.

**P**ostquam Cimmericias in relligione tenebras  
Visum est propitio pellere, IANE, Deo.

## Epigrammatum

*Venit magnanimus constanti corde Lutherus ,  
Et primas Orbi prætulit ille faces:  
Non secus ac noctis tenebris abeuntibus almus  
Lucifer instantem nunciat ante diem.  
Venit non dispar animo Calvinus & ore,  
Accensas auxit luminis iste faces:  
Non secus ac Phæbus jam luce oriente serenus  
Illustrat radiis cætera cuncta suis.  
Venit par istis animo, at majore Socinus  
Instructus veri cognitione Dei.  
Is patriâ, & magnis opibus, titulisque relictis,  
Quos ex illustri nobilitate tulit,  
Quando domi haut licuit, peregrinis hospes in oris,  
Magno successu, voce, styloque gravi,  
Cuncta revelavit sancti mysteria Verbi,  
Antea præclaros quæ latuere Viros.  
Sustulit errores, commentaque cuncta, Salutis  
Æternæ verum quæ remorantur iter.  
Dogmata proposuit vera, argumentaque cuncta,  
Quæis bene munitur grande salutis iter.  
Non secus ac medio est cum sol clarissimus orbe,  
Sic lucent Verbi cuncta scienda Dei.  
Hos tres Doctores nisi nobis Iova dedisset,  
Essent fors tenebræ, sicut & antè, mæra.*

*In luctuosum obitum Viri magni, D. Petri  
Statorii, verbi divini Præconis præ-  
stantissimi.*

*Fratri-*



Oſter: 10. Simonis Piſtorii.

Fratribus ô cunctis, ô & mihi funus acerbum,  
STATORI, vitâ frater amabilior!  
Occidis heu! mediis & adhuc florentibus annis,  
Neforis antiqui vivere digne dies.  
Dignior ut, multis nobis morientibus, Ipse  
Vivus adhuc eſſes integer, idque diu.  
Doctrinæ ratio fuerat tibi cognita CHRISTI,  
Inſignis Rhetor, Præcoque cuius eras.  
Nemo tibi eloquio par, ingenioque ſecundus.  
Aurea mens inerat, vox tibi Suada fuit.  
Inceſſu gravis, ore decens, & corde fuiſti  
Candidus, iræ expers, omnigenique doli.  
Denique ſola tibi fuit hæc, ac unica cura,  
NOSSE DEUM, ET FRATREM DILIGERE ANTE ALIOS.  
Nos ergo ut miſeros, quibus hæc ſimulachra piarum  
Virtutum, & tecum tot abiêre bonæ:  
Sic te felicem rurfus, cui contigit iſtis  
Moribus extremam claudere morte diem!  
O cæli, cætuſque tui decus, optime CHRISTE,  
Iacturam hanc alio, quaſo, repende modo!

Epitaphium ejusdem.

Conditur hac ingens parvâ STATORIUS urnâ,  
Qui ſervus CHRISTI, Myſtaque ſummus erat.  
Cumque illo pariter terra conduntur in iſta,  
Candor, Amor, Charites, Gratia, Suada, Decus.  
Indulgent lachrymis Pietas, erroris & expers  
Relligio, nec non inte merata Fides.

Epigrammatum

*Et nos qui tanto CHRISTI Pracone caremus,  
Ad tumulum largis ora rigamus aquis.*

Ereoslichon, Annum, Menſem, & diem obitus  
ejus continens.

VIX InſaVſta Dies Mal noVena reſVLſte,  
VenIgra, StatorI, VIr ple, fata VBls.

Ad nobilitate & pietate præſtan. Virum, D. Stani-  
ſlaum Lubieniecium, olim Aulicum, nunc  
autem Eccleſiæ Chriſti primarium  
Miniſtrum.

*Quondam magnorum viſebas Atria Regum,  
A puero humanis deditus obſequiis,  
STANISLAE, tui viſis nunc Atria Chriſti,  
Ejus divinis deditus obſequiis.*

*Olim mortalis fuerat tuus Induperator,  
Nunc immortalem, cui famularis, habes.  
Quid ſapere eſt, hoc ſi non eſt? quòd vera putavi  
Præmia terrenis anteferenda bonis.*

*Tunc ſpes ingentis reditus, clariq̃ue fovebas  
Nominis, ut Domini grandis in Arce fores;  
Stipatusq̃ue ires magnâ comitante catervâ,  
Splendida mundani Regis ad ora tui.  
Concipis æternæ ſed nunc ſpes pectore viat,  
Spirasq̃ue aurati Tempſa beata Poli.  
Poſte à quò alituum ſanctâ ducente coronâ  
Cæleſtis venias Patris ad ora tui.*

O bene



Oſter: 10. Simonis Piſtorii.

O bene quàm factum! quàm commutatio prudens!  
Multorum melior ſors tua ſorte hominum eſt.  
Tu modò ceu ſacrum hoc dextrâ es complex<sup>us</sup> aratrum,  
Haut unquam retrò lumina flecte tua.  
Ite per exemplum mortales, quos capit aula,  
Et piè & æternùm vivere qui cupitis!

In Inſignia Lubieneciorum.

Haut abs re factum, Gens Lubienecia, in Armis,  
Quæ geſtas, vomis quòd tibi aduncus ineſt.  
Nam culturâ agri cunctis Mortalibus uſquam  
Ut præſtantius eſt, utiliùſque nihil:  
Vivimus hinc omnes, hinc grata alimenta parantur,  
Hinc vitæ omnigenus fructus & uſus adeſt:  
Nempe Miniſterio Verbi, Mortalibus ægris  
Sic præſtantius eſt, utiliùſque nihil.  
Hinc animæ cibus, hinc utenda fruenda parantur,  
Quæ præſtant Mannâ, Nectare, & Ambroſiâ.  
Quàm bene, STANISLAE, unco aſſimilantur aratro,  
Quæ geris, officiî Munia ſancta tui!  
Duram alii ſubigant ſplendenti vomere terram,  
Vnde uber veniat fructus, & alma Ceres.  
Tu CHRISTI Populum regere, atq; docere memento,  
Vnde tibi ac aliis manet amanda Salus.  
Qui ſapit, ille oculos, arrepto intentus aratro,  
Non aliò torquet, ſed ſua fidus agi!

Ad Dn. Iohannem Licinium, Amicum & Sym-  
patriotam meum cariſs.

## Epigrammatum

Nos Patriæ fines, & cara reliquimus arva,  
Attigimusque oras, terra Polona, tuas.  
Non ob divitias, quas impiger Institor ardet,  
Aut coëmenda boni jugera magna soli.  
Religionis amor, & veri Dogmatis ardor,  
Nos in eas, Licini, compulit ire plagas.  
Divitiæ non sunt, nec maxima jugera tanti,  
Ut cupiam Patrios deseruisse Lares.  
Solus amor veri, divinæ & cura salutis,  
Dignior est Patriâ, dignior Orbe vago.  
Hic nobis certæ sedes, sit Patria cara,  
Donecerit CHRISTI cætus, & alma fides.

Ad Dn. Ioachimum Stegmannum, Virum eru-  
ditione & pietate præstantem.

Plurima divini sunt argumenta favoris  
In genus humanum, nobile plasma Dei;  
Haut tamen est illo, STEGMANNE, illustrius ullum,  
Verâ cælestis cognitione Dei.  
Nosse Bonum summum, Spes ejus corde fovere,  
Ducentemque illò cum Duce nosse viam.  
Istâ notiâ, quid in Orbe beatius usquam?  
Nil certè: hanc præter scire tuum nihil est.  
Hic sumus ambo pares: nos dulcis gratia CHRISTI  
Hâc collustravit cognitione Dei.  
Hoc nos hâc ambos habitatum jussit abire  
Dulcibus ex Patriæ sedibus, atque focis.

Sed tu



Oſter: 10. Simonis Piſtorii.

*Sed tu pro Domino duriffima vincula CHRISTO  
Paſſus, & in triſti carcere martyr eras.  
Hic nobis diſpar ratio, fortiffime CHRISTI  
Miles, & hoc præſtas meque aliisque modo.  
Scilicet haut iſtud cuius donatur utrumque,  
Discipulus CHRISTI, Martyr & eſſe queat.*

Ad Dn. Thomam Gieyzanovium, Amicum &  
Popularem meum dilectiſ.

*Thoma, qui ſcholico ſudas in pulvere ab annis  
Pluribus, & Ludi virgea ſceptra geris,  
Dic, nam non neſcis, piſtrino & carcere duro  
An non eſt multò durius iſtud onus?  
Fama eſt Atlantem longè fulgentis Olympi  
Latis ſumma humeris pondera ferre ſuis.  
Tute Atlas ille eſ, ſchola non ſchola ſummus Olympus,  
Hunc portas humeris gnaviter ipſe tuis.  
Perfer & obdura, labor hic tibi proderit olim:  
Te, Thoma, in cælis digna corona manet.*

Ad Iohan. Stoinium.

*Magne Vir eloquio, ſanctâ conſcribere nobis  
Quem promiſiſti de Pietate librum,  
Quare, cum poſſis, non tradis, tane, legendum  
Omnibus, ut lector non ſine fruge legat?  
Urgeo non fruſtrâ. nam tu quod ſcribis, Amice,  
Purior hoc ætas & legit, atque probat.*

Ad Tobiam Accipitrinum Oppolien. Sileſium, po-

Epigram matum

pularem, coætaneum, socium, comitem, & amicum meum summum.

Accipitrine, eadem tecum mihi Patria, tecum  
Idem convictus semper & usus erat.

Ambo scholam visebamus puerilibus annis,

Hæstique comes tu mihi, egoque tibi.

Ambo peregrinas ibamus postea in oras,

Hæstique comes tu mihi, egoque tibi.

Ambo natales læti repetivimus oras,

Hæstique comes tu mihi, egoque tibi.

Heu fatum infelix quàm nos disjunxit urrumque!

Quàm nostras miserè solvit amicitias!

Tu, miserande, cadis Patriis in finibus, atque

Me tenet in gremio terra Polona sua.

Ad D. Ionam Schlichtingum, V. nobilem, eruditum, & Theologum præstantem.

Qui poteras Regum magnas volitare per Aulas,

Sceptriferis poteras notus & esse Viris,

Schlichtinge inferior doctrinæ sænore nulli,

Aut clarâ Gentis nobilitate minor,

Spernere Mundanos duxisti cautus honores,

Et titulos CHRISTI projicere ante pedes.

Sancta salutaris proponis dogmata Verbi,

Monstrans ad Cæli sidera quâ sit iter.

Hoc tu nempe facis, CHRISTO exornatus ab ipso,

Clarior ut longè major & esse queas.

Ad funus



Oſter: 10. Simonis Piſtorii.

Ad ſunus Thomæ, filioli D. Thomæ Steigmanni  
collegæ mei cariſſimi Tarno-  
monti.

*Cùm fuerat Thomas felicibus editus aſtris,  
Edidit hos claro Phæbus ab ore ſonos:  
Hic puer ingenio, vivat modò, divite multos  
Vincet, & Aonia frondis honore cluet.  
Improba dicentem Phæbum mors audiit: ergo  
Invidiæ ſtimulis ſic agitata refert:  
Cynthius ingenii quoscuque beavit alumnos  
Munere, & Aoniis imbuit ipſe bonis,  
Omnes experior noſtrum contemnere numen,  
Et flocci Regni pendere jura mei.  
Haut patiar plures tantum producere vitæ,  
Vt grave Philoſophâ nomen ab arte gerant.  
Dixit, & ut Thomam perſenſit in arte tenellum  
Crefcere, mox illam trux Libitina necat.  
Invida, proſecti fratres majore tenelli  
Succedent iſti, quem modò ſerva rapis.  
At tu, ſi cuiquam tua vis dare munera, in aurem,  
Diſce, precor, poſthac, candide Phæbe, loqui.*

Ad Generoſum Dn. Adamum Goſlavium, Mx-  
cenatam meum colendiſ.

*Operegrinorum Goſlavi Fautor ADAME,  
Perfugium rebus portus & aura meis,*

## Epigrammatum

Quas tibi condignas grates, quæ vota rependam,  
Pro tantis meritis, & bonitate tua?  
Vt te IOV A parens sacrosanctis gestet in vlnis,  
Et manuum validâ contueatur ope:  
Vt quæ supervivas Pylîi senis integer annos,  
Florentem videas progeniemque tuam.  
Denique jucundo perfunctus munere vita,  
Spirituum sacris annumerere choris.  
O qui cuncta potes, vis & dare cuncta rogata,  
Quæ facimus, votis annue, IOV A, pius!

### Ad Ionam Schlichtingum.

Publica Meisneri, ION A, qui Scripta refutas,  
Dogmatis æterni Præco diserte Dei,  
Rem magnam præstas! ô sit tibi gratia præstò  
Calica, tam sanctum quò bene cedat opus.  
Expetitur Liber a multis. fac, quæso, legendus  
Vt citò victuris exeat ille typis.

### In Symbolum

Nobilis Viri DN. CASPARI Rogonsky  
a Cornicz.

### Conscientia Recta Arx Cordis.

Expugnari arces, & ahenea mœnia possunt,  
CASPARE, ingenio, viribus, arte, dolo.

Conscia



OCTER: 10. Simonis Pistorii.

Conscia mens recti sed inexpugnabilis una est:

Hæc vires nullas, aut timet illa dolos.

Immo cum mundum consumat & omnia Tempus,

Æternum hanc unam nulla ruina manet.

Hæc tibi sit cordis custos, hanc pectoris arcem

Quo, CASPARE, potes cunque tuere modo.

In Symbolum

Dn. Thomæ Pifecii affin. cariss.

Tandem Potiar.

Multa tulit, qui nunc fato meliore potitur,

Sudore, & multo tempore constat honos.

Perfer & obdura, passus graviora, PISECI,

Et TANDEM optatis ut POTIARE bonis.

In Anagramma

Dn. Iacobi Angermund, Amici mei summi,

Non cedam gravibus.

Heu mihi, quod pulchrum est, quàm magno constat! ha-

Heu mihi, difficiles quàm pretiosa vias! (bentq;

Quàm per inexplicitosque, catenatosque labores

Virtutis sacrum limen adire datur!

Me quoque anbelantem fors desperare suadet,

Et grave propositum saepe moratur iter.

IOVA parens fer opem, Virtutis amator & equi,

Fataque currenti da meliora precor.

NON

Epigrammatum

NON CEDAM GRAVIBUS, te suppeditante, peri-  
Et vires, & opes, & tua dona mihi. (clis,

Ad eundem.

Vita, quod ipse vides, est plena, IACOBE, laborum,  
Cum gemituque datur, cum gemituque fugit.  
Temporis & si quid (quanquam hoc breve) vivitur,  
Non intermisso cura dolore coquit. (atque hoc  
Ergo mori subito melius fuit, utile nasci  
Vel nunquam fuerit: dic mihi praestet utrum?

IN ANAGRAMMA

Gener. V. Dn. Hieronymi Moscorovii Patroni  
mei colendissimi,

*Summos vici honore viros.*

Certe, HIERONIME, cor sollers Natura metallo,  
Si cuiquam, finxit de meliore Tibi.  
Nam neque Te mundi titillat vana Voluptas,  
Nec Te lucri amens turpis inescat amor.  
Non etiam malefvada suis Te torquet Honorum,  
Aut Tibi fumus iners Ambitionis inest.  
Verum ut iudicio exsuperas prudente, catoque  
Et doctrinarum fertilior penus:  
Sic rarâ multos anteis virtute, Vir ample,  
Cordeque, quod Tibi inest, candidiore nive.  
Tale caput servate diu, pia Numina semper,  
Quod facit, ut SUMMOS VINCAT HONORE  
VIROS.

In sci-



Offert: 10. Simonis Pistorii.

In Scitum ejusdem,  
*Deus providebit.*

*Fide Deo, mandata urge, si fors tibi deérunt  
Cetera, sufficient prospiciente Deo.*

*Scitum clare tuum est Hieronyme; I O V A procurat.  
Felix, qui credas, quod tua scita docent!*

*Ad Dn. Iacobum Reinioviciū fr. cariss.  
Ille amor impensus cælestis originis, omnis  
Christjanus qualem debet habere bonus,  
Omnes vltro adamat, nullo discrimine, seu sint  
Credentes illi, sive, I A C O B E, minùs;  
Digni sint, aut indigni, nil pensi habet ille;  
An redament illi, sive, I A C O B E, minùs.  
Seu meriti, sive immeriti, curæ nihil; immò  
Seu fuerint hostes, sive, I A C O B E, minùs.  
Non amor est vllus Christjano major amore,  
Antè hoc qui nusquam notus in orbe fuit.  
Hunc ego mirificum quò consequar ipsus amorem,  
Tu ser opem votis, care I A C O B E, tuis.*

*Ad Dn. Samuelem Latochium Secundum, Poë-  
tam L. C. Amicum meum.*

*Esse mei oblitum Te, longa silentia produnt;  
Sed tua me prohibet credere nota fides.  
Aut fors quâ vivam nescis regione remotus,  
Aut tribus studiis otia grata tuis;  
Otia de lauru Tibi quæ peperere coronam,  
Nuper, & auxerunt nobile stemma tuum.*

*Vt mihi*

### Epigrammatum

*Vt mihi rescribas gravioribus, optime Vates,  
A studiis tibi nunc parce, referque manum.  
Et si jam gratâ tua Carmina luce fruuntur,  
Vt reor, & nobis mitte legenda, precor.  
Perge Dei laudes celebrare & Caesaris acta.  
Nam tibi cum diro Casare IOVA favet.*

### Tumulus

*Filiolæ meæ cariss. Reginulæ nondum bimulæ.  
Quam Pater ardebat, Materque, omnesq; Sorores,  
Hoc REGINA cubat pupa tenella loco.  
Heu! nondum vitæ binos expleverat annos,  
Cum perit, & secum gaudia nostra rapit.  
Non secus exorto surgunt argentea Phæbo  
Lilia, quæ rursus deficiente cadunt.  
Pars animæ non parva meæ Reginula blanda,  
Iam mihi sic nunquam conspicienda! Vale.*

### Ad Iacobum Angermund.

*Tu perflas toto iucundum pectore somnum,  
Et tibi non vanus nuncius ecce venit,  
Vt rebus jam compositis, nobisque relictis,  
Ire pares gratas, care IACOBE, vias.  
Perspice quæ IOVAE sit pro te cara, favorque;  
Reddeque propitio debita vota Deo.  
Nos tibi successus, & mollia fata precamur:  
Precipue votum tale, IACOBE, meum est,  
Externas ut legum abeas studiosus in oras,  
Sed redeas clara Doctor in arte. Vale.*

Ad Io-



Oſter: 10. Simonis Piſtorii.

Ad Iohannem Licinium.

*Quare nunc iſtis vivatur moribus, & ſint  
Flagitio inſignes, nequitiâque viri,  
Si cauſam, Licini, quæras: hæc maxima cauſa eſt,  
Quòd multis nullus creditur eſſe Deus.*

Ad Danielelem Franconium.

*Bacchanalia prædicando quidam  
Deſtatur, abominatur ore;  
Saturnalia ſed domi celebrat,  
FRANCONI, geniumque paſcit ipſe.  
Non poſſum, mihi crede, contineri,  
Quin hunc deſpiciamque rideamque,  
Vanum, ridiculum, malum magiſtrum.  
Non eſt Orgia, feriasque Bacchi  
Hoc damnare; ſed eſt gravem Catonis  
Et duram Curii tonando frontem  
Duntaxat ſimulare; veriusque  
Hoc eſt vivere ferias Lyæi,  
Bacchanalibus & voluptuari.*

De quodam bene concionante & malè  
vivente.

*Cur monita uſque daret quidam tam ſancta Sacerdos,  
Ipſe ea nec faceret, fortè rogatus, ait:  
Vt moneam, accipio florenos mille quot annis:  
Vt facerem, hautquaquam mille bis acciperem.*

## Epigrammatum

### In avarum.

*Dum licitum fuerat cæli convexa tueri,  
Fas erat in vivis & superesse tibi,  
Omnibus invisum te juvit, Avaræ, draconis  
Instar, divitiis incubuisse tuis.  
Nunc miser heu! moreris: fecisti qui bene nulli  
Hactenus, ha! facies ô pol, Avaræ, modò.*

### Bonitas & æquitas Dei.

*Quanta Dei bonitas! sint maxima crimina quamvis,  
Crimina sint quamvis cuncta patrata prius;  
Gratis condonat, si postea vivis honestè,  
Et sancto vitam claudis agone tuam.  
Iustitia & quanta! omnia sint & maxima quamvis  
Sancta opera, atque Deo digna patrata prius;  
Illa facit nibili, si postea vivis iniquè,  
Et vitam impuro claudis agone tuam.  
Prudens ille, Deo qui postquam fidere cæpit,  
Perstat, & haut unquam desinit esse bonus.*

### Ad Venceslaum Bersium, de morte Sororis ipsius, Matronæ lectiss.

*Quam tibi Germanam non exorabile fatum  
Abstulit, heu! damno, VENCESILAE, tuo.  
Quàm licet, & fas est, turbatus defleo tecum,  
Illius & vitæ de brevitate queror.  
Tres simul ac annos, & lustra peregerat ævi  
Quinque ferè, similis decedit illa rosæ.*

Nam ro-



Oſter: 10. Simonis Piſtorii.

Nam roſa ſole velut quæ poſtquam naſcitur orto,  
Non expectato veſpere rurfus obit:  
Sic tua cara ſoror veros vix edidit annos,  
Cum tetigit vitæ fata ſuprema ſuæ.  
Illius heu quanto poſt triſtia funera tangi  
Te deſiderio, VENCESILAE, putem?  
Quo cari Fratris Germana piiffima, vel quo  
Tangitur Vnigenæ Mater amata ſui.  
Ac non immerito; nam, ſi fas ſcribere verum,  
Spes fregit moriens, VENCESILAE, tuas.  
Illa tuis & res ſtudiis, & commoda multa,  
Multa tui nimium dona parabat amans.  
Cuncta ſed hæc vnà perierunt commoda triſti  
Illius interitu, ſpesque ſepulta ſimul.  
Ergò tibi ſit acerba dies, quâ Fata ſorori  
Auſa tuæ, damno, rumpere fila, tuo.  
Nec mecum pigeat victuro carmine nomen  
Te dare Germanæ, VENCESILAE, tuæ.

Ad eundem.

Æger es, & toto langvent in corpore vires,  
Febre vrente artus, VENCESILAE, tuos.  
Digna tamen ſacro componis Carmina cedro,  
Atque meos poſcis, dulcis amice, modos.  
Laudo tuum ſtudium, ſimul & te miror in ipſo  
Semianimem morbo ſcribere poſſe aliquid.  
Æger adhuc ſcribis ſi docta Epigrammata, demum  
Qualia non æger, VENCESILAE, facis?

### Epigrammatum

*Quis furor, ô Muse, vati succurrere nolle?  
Vestrum, hoc ingenium si perit, est vitium.  
At tu febris atrox torrere & viscera sicca  
Amplius, & sacrum hoc vrere parce caput.*

*Ad Iacobum Angermund LL. stud.  
Febre laboranti dum fratri frater adhæres,  
Pro fratris dulci vota salute facis.  
Et quia pondus habent majus fortasse duorum,  
Vis ut ego iungam vota, IACOBE, tuis.  
Exigis officium, fateor, juvenum optime, tale,  
Quo nil sanctius hic majus & Orbis habet.  
Pro cara Fratrum nam munera nulla salute,  
Debita deposcit sed sibi vota Deus.  
Et cum devinci nequeat rationibus ullis,  
Sola queunt Dominum vincere vota Deum.  
Hunc ego, ne dubita, posthac, dulcissime, tecum  
Suppliciter votis sollicitabo meis.  
Vt tibi conservet Patroclum, febre repulsa,  
Et nec adhuc vestras solvat amicitias.*

*Ad Magnif. Dn. Andream Kochticky, cùm no-  
vo auctus esset filiolo.  
Quod fore sperabam, puerilis gloria sexûs  
Nascitur Andrea, Fautor amande, tibi.  
Lætor & ecce cliens tuus hoc Epigrammate curto,  
Vt vivat, fundo fervida vota Deo.  
Vivat, & egregii vestigia Patris adoret;  
Sit tua, sit Matris spes generosa suæ.*

Ardeat



Oſter: 10. Simonis Piſtorii.

Ardeat hunc Pallas, & turba novena ſororum,  
Magnificasque ipſi Phæbus adornet opes.  
Nominis utque a te fratres it ſplendor in omnes,  
ſic ab eo ſplendor nominis uſque fluat.

Ad Dn. Michaëlem Gittichium Venetianum  
fratrem dilectiſs.

Cum ſis tam longis a nobis diſſitus oris,  
PISTORI esne memor, ſuavis amice, tui?  
ſic reor, ultra omnem eſt namque igneus ille ruinam,  
Quem CHRISTI alma fides conciliavit, amor.  
Uſurpare oculis ut fratrem copia non ſit,  
Haut idcirco animis effluit ille tamen.  
ſi quicquam mihi credis, ego te ſpondeo nunquam  
Corde effluxurum, frater amande, meo.

Epitaph: honeſtæ & piæ feminæ, Agnetis Piſtorix,  
ſororis meæ cariſs: in Domino deſunctæ.  
Germanæ hic poſui cineres, nomenque ſacravi,  
Lumine quod propero, Lector amande, legis.  
Illa tamen quænam fuerit, ſi fortè requiras,  
ſiſte parùm grefſus, parva docere mora eſt.  
AGNES dicta, fuit CHRISTI matrona Miniſtri,  
Quæ duxit ſanctâ nil pietate prius.  
Pertulit & mentis morbos & corporis acres,  
a quo connubio tempore junctâ fuit.  
Nam poſt difficiles partus, durosque labores,  
Quum peperit caro pignora trina viro;

Epigrammatum

Heu mihi! quàm sevos hydropica facta dolores  
Experta est, medicâ nil faciente manu.  
Humanam donec superavit funere sortem,  
Et iacet hoc placidè contumulata loco.  
Si memor es mortis, perlecto carmine curto,  
Functus es officio, lector amande, Vale.

Magnifico Viro Dn. Hieronymo Moscorovio  
Mæcenati meo colendissimo  
Genethliacon.

Venerunt CHRISTI nati ad cunabula luce  
Quâ Nabathæa olim de regione Magi,  
Postquam longa decem tulerat fastidia menses,  
Hâc Te nixa suo est Mater amata sinu.  
Omen inest luci! nam vix, Hieronyme, Musis  
Tinctus es, haut lævo sidere, pænè puer,  
Querere capisti, tùm post tot secula CHRISTUM  
Fortè renascentem, propitiante Deo.  
Inuentumque pius veneraris, quantus es, ipsi  
Teque voces, animi dona que cuncta tui.  
O lucem faustam! faustos quoque nempe Parentes,  
Tam faustum Mundo qui peperere Virum.  
Vive bene, ac posthac multis venientibus annis,  
Hanc celebra vegeto corpore, mente, diem.  
Hisque animi donis, quibus es cumulatus ab alto,  
Ad CHRISTI laudes vtere ubique tui.

Ad Dn.



Oc̃ter: 10. Simonis Pistorii.

Ad Dn. Iohan. Grotkovium, de Dn. Valen-  
tino Smalcio Gothano.

*Sive arcana Dei docet acris MALCIUS ore,  
Mens auditorum percit a panè stupet.  
De controversis seu rebus disputat idem,  
Miratur Scholicus verba diserta chorus.  
Consilium in dubiis seu pandit acumine dextro,  
Consilium prudens, nec mora, quisque probat.  
Pro Socero mecum, GROTKOVI, funde lehoræ  
Vota, diu servet tale, piumque caput.*

Ad Dn. Adamum Gollavium fauto-  
rem meum.

*Sic est, ut perhibent: rara est concordia fratrum,  
In fraterno etiam sanguine rarus amor.  
Inter vos autem summa est concordia fratres,  
Summus amor vester, summus, ADAME, favor.  
ANDREA singente tui deflagrat amore,  
Tu fratri cedis nil in amore tuo,  
Estis corporibus tantum duo, mentibus unus;  
Est animus vobis mutuus, & cor idem.  
Ac certè vestri tam rari atque acris amoris  
Istius ratio, causâque certa subest.  
Non modò nam sanguis generis, non vincula gentis,  
Sed sanguis CHRISTI vos in amore ligat.  
Hunc ut servetis semper constanter amorem,  
IOVA det, eternâ vosque salute beet.*

Verus

Verus & perfectus amor quis?

Non amor is verè est; fidum si fidus amicum  
Ardes, attentisque appetis hunc oculis.  
Sed si vāsanum tu inimicum, aut diligis hostem,  
Insano qui te persequitur studio.  
Is demum verè est amor: hunc rarissimus, illum  
Insipidus pariter diligit & sapidus.

